






第一一七册

四庫全書

●上海古籍出版社

本冊目次

雲 西 長 倚 陶 畫
 附 塘 興 松 山 漫
 巢 集 集 集 集 集
 編 錄 集 集 集 集

宋 張舜民撰……………一
 宋 陸佃撰……………五五
 宋 饒節撰……………一九九
 宋 沈括撰……………二六三
 宋 鄭俠撰……………三六一
 宋 沈遼撰……………五一五

第一一十冊

上海古籍出版社

欽定四庫全書

集部
畫壇集卷一
三

詳校官庶吉士臣初喬齡

侍讀臣孫球覆勘

勝銀副貢生臣杭光晉

欽定四庫全書

集部三

提要

畫壇集八卷

別集類二 宋

臣等謹案畫壇集八卷宋張舜民撰舜民字
芸叟自號浮休居士邵州人中進士第以司
馬光薦為監察御史徽宗時進吏部侍郎旋
以龍圖閣學士知定州改同州坐元祐黨謫
楚州團練副使商州安置復集賢殿修撰卒
事蹟具宋史本傳舜民為人忠厚質直慷慨
喜論事葉夢得嚴下放言稱其尚氣節而不
為名北宋人物中殆難多數其初從高遵裕
西征靈夏無功而不還舜民作詩有靈州城
下千枝柳總被官軍斫作薪及白骨似沙沙
似雪將軍休上望鄉臺之句為轉運判官李
蔡所奏謫監彬州酒稅其後起為臺官浸至
通顯而議論雄邁氣不少衰崇寧初又以謝

欽定四庫全書

畫壇集

表識誇生貶晁公武稱其文豪縱有理致最
刻意於詩晚作樂府百餘篇自序云年踰耳
順方敢言詩百世之後必有知音者其自矜
重如此周紫芝太倉稊米集有書舜民集後
一篇稱世所歌東坡南還詞回首夕陽紅盡
處應是長安二語乃舜民過岳陽樓作又舜
民題庾樓詩有萬里秋風吹鬢髮百年人事
倚闌干之句世或載之東坡集中蓋由其筆
意豪健與蘇軾相近故後人不能辨別往往
誤入軾集也文獻通考載舜民畫墁集一百
卷奏議十卷周紫芝謂政和七八年間京師
鬻書者忽印是集售者至填塞衢巷事喧復
禁如初而南渡後又有臨川雕本浮休全集
蓋其著作在當日極為世重而自明以來久
佚不傳惟永樂大典尚間載之計其篇什雖
不及什之一二然零璣斷壁倍覺可珍謹蒐

輯排比釐為八卷用存崖畧其抑行錄乃請
監酒稅時紀行之書體例頗與歐陽脩子役
志相似於山川古蹟往往足資考証今亦並
附集末焉乾隆四十六年三月恭校上

總纂官_臣紀昀_臣陸錫熊_臣孫士毅
總校官_臣陸費墀

欽定四庫全書

畫壇集卷一

宋 張舜民 撰

詩

紫驪馬

紫驪馬白面郎紅銀鞍勒青油韁左牽黃犬右擎蒼朝
從灞陵獵暮宿投平康使酒不滿意按劍叱天狼今年
明年一如此後年不覺髮成霜扶肩策杖出門行抱子
弄孫樓上坐忽然涕淚滿衣襟為見驕驪面前過

欽定四庫全書

閩山月

明月生海上裴回照邊城中夜闌山靜但聞流水聲征
人看月思鄉泣夜久衣單難獨立錦字佳人怨不歸開
幃更感飛螢入

桃李花

紅白桃李花馨香滿芳草開時人少年落處人已老風
雨半夜來飄揚滿官道行客為歎息不忍便除掃猶有
兩三枝香色晚更好把酒將奈何攀折恨不早

二

花如桃李人如玉終日看花看不足萬年枝上轉春風
上絲絃上調新曲寶馬嘶風車擊轂東市關雞西市鞠
但得長留臉上紅莫辭貴賈尊中醪

來日大難

去日滔滔似易得來日藐藐若大難一日且作一日調
百年莫作百年看晉侯竟爾見新麥楚王更要食熊蹯
勿輕白髮翁勿恃青楊實物壯則老矣其壽不可必松
欽定四庫全書

君馬黃

君馬良乘乘黃僕臣御守法度乍可三驅失前禽不可
一朝為說過假使四牡項領無害六轡如組周旋中規
折旋中矩聽和鸞之聲遵康莊之路馬不駭與君子安
處如欲登九折之險走羊腸之阻蒙犯霜露跌踣風雨
雖使造父再生王良復出子亦未知其如何爾

大雪行

曉辭洛水濱暮宿河之涘四野漫漫不見人竟日止能
行數里渾然天地為一色渭水南北復何似五陵鷹犬
爭合圍十宅管絃初熟耳連宵耿耿照鬢髮迎馬點衣
猶未已但得來年春麥熟暫困泥塗復何恥農夫南畝
未厭多却入長安作泥滓

邯鄲少年

邯鄲全盛時人物自都雅更得幽并兒豪氣陰相假生
求趙王劍千金不論價力購燕國姝臨高起亭榭使酒

欽定四庫全書

書樓集

三

業臺上夜獵西陵下聞說五陵兒臂鷹馳犬馬

試院感懷

朱戶當書局霜簾連夜懸沈沈造廣庭皤皤接衆賢疎
筵叩洪鍾短鯁汲深淵始知學不迨內顧多歉然憶昔
居上庠忝出流輩前賦就千金直詩成萬口傳荀揚迴
接迹班馬思比肩一從荀子祿永謝英俊躔折腰府縣
中餬口道路邊世俗多見輕義士誰哀憐憔悴有今日
光輝思昔年今茲覩秋闈猶欲爭相先枯魚傍江湖疲

馬憶薊燕涼風拂翠幙隴月向人圓物景近中秋客意
孤綿綿裴回望清光欲攬不得金永懷懽樂時把酒謝
嬋娟

鯨魚

東海十日風巨浪碎石山谷長鯨跨十尋宛轉在平陸雷
火從天來砉然刺兩目肌膚盡作油骨節分為屋腥羶
百里內戶戶至厭足我聞海上人明珠可作燭鯨魚復
何罪海若一何酷從欲譏風伯大鈞問不吉躊躇復歎
息歸咎當溟渤訖形天地間獨爾有含蓄大者不能容
小者又何益却羨鰕魚輩安然保家族

欽定四庫全書

書樓集

四

東武二首

小白雙周室夷吾致其君各遇當時力未免後儒言駁
馬日十里壯士舉百鈞更欲加勉策折髀與摧軀
景公登牛山俯闕陽邑區耕耘被廣野軒冕充修衢闢
難走狗馬擊筑吹笙芋魚鹽來海岱桑柘入青徐饒樂
曾無敵棄背復何如公乃歎而泣顧謂諸大夫安得十

萬年長有此國都大夫助公泣獻壽猶歆盛宴子歛袂
笑笑此君臣愚世事如輪環曹不借須臾前此十數公
今已成丘墟胡不長守此乃與子孫居始知富貴者喜
受庸人諛豈獨當時笑後世亦抑掄

山陽二首

山陽水陸衝樂餌人所赴寂寞先生門車輪不少駐賢
哉彼二公綽有尚賢風恨不生羽翼歌尊酒中

古人急於仕每擇分所安願為趙魏老不作滕薛官今

欽定四庫全書

書

五

人不量力臨老當繁難少見詠淇澳甚多歌伐檀

淮口阻雨

已亥吳同年要
飲舟次淮口作

旱久不得雨既雨不肯休法云汴河水初合淮河流北
來何處客暫此駐扁舟中有投荒人萬里趨夫洲聽水
夜不眠觀水朝亦愁呼風捲重陰放出赤日頭捨舟出
平地走馬復西遊

天爵山

耕者志於食否則餒繼之學者志於道一為好爵縻本

自不營利間或與利期朝日入而處暮日仰而思浮雲
蔽部屋見前當自知

李侯新齋植松竹聊為雜言

嘗聞君子居一日顧必葺李侯作新齋制度皆自給軒
楹如肺腑豁達可出入取竹渭水湄移松隴山隈歲寒
遠相依勁節久孤立栽培宜無法根著至今濕清風在
目前獨我得多挹歸壤共無涯往日不可及惟憂屬後
人長伴邊聲急

欽定四庫全書

書

六

送葉仲出使河北

君今使河北幾日渡黃河脫身出臺省杖節犯風波東
南耆舊中如君能幾何何人把袂留顧我餞則那燕趙
多佳人善舞體婆娑不學白紵詞能唱歌歌罷令
翁愁井窻宅罷罷安得佐禹才干旋飾五紵與君並駕
驅坐使民氣和揮汗強援筆失辭愧不多

汴陽感事

人誰無婚姻我則分鮮薄即今頭已白不識外家樂再

過汧陽縣心境何寂寞當時退食地東軒俯層臺華屋
變山丘九原寧可作空存遺愛樹枝葉幾榮落正如遼
東歸但見舊城郭堂堂想其儀物物皆如昨眼看北來
鴈身是南飛鵲霜風掃階廡晚翠歛吳嶽臨行更踟躕
灑淚過南閤

思善堂

春風長萬物林子猶卷然及至華實稠已悲霜露先功
隨四時去不待三牲全所以陟此人設身常捨旃

欽定四庫全書

書樓集

七

鄉人言

柳江有奇石似牛伏岸側鄉人久相傳過者有顛覆我
與鄉人謀鑿去可勿留祇消一日力得弭千歲憂鄉人
顧我笑官必有闕拙大者不能圖小者安用說方今民
間事頗有急於石當官貴居事能不閑採拾我家本多
田今乃身無居雖有兒女輩售人為婢奴破家不足愜
所恨骨肉離官今將骨肉好去將何之我雖有田里亦
聞官念此念此不能為何用居官爾乃指江中石此物

如有神不覆廉善士獨傾貪虐人官今幸過此行李都
無害將我言日思勿為貧賤懈我聞鄉人言背顧俱汗
流欲問破家因恐為明者羞

送羅正之年兄出使二浙

玉塵助清談金貂飾高位二物已殺身無剝生民利君
為使者官猶作農夫事隨軒載耒耜一心唯度地惟梁
及齊岱潢汙變滯穗玉食反無魚黃牛如象貴凡人畏
辛苦君處乃樂易富哉太伯墟吳越之委積二年苦吟

欽定四庫全書

書樓集

八

墊竈白成蛙肆一日死百人官司但熟視不獲乃命君
物議已為遲君其尚勉旃副彼朝廷意若為濬涇洪可
得露城市誅其姑息人哉彼因循吏死者不可招存者
如何置赴海與壑鄰實繫君之智君家本天台立身頗
勤勤一生在州縣晚歲稱憲使南人重衣錦今爾實自
致弭節拜墳墓推牛設鄉遂翁媼上難觀揮霍復嗟喟
咸曰羅家兒今日乃如是伊予出西北仕路每相值交
代又同年莫予論事契嗜好無不同出處亦有類天台

與四明一生游夢寐滄蕩秋風中都門把歸袂行與興
公游間過賀老醉二客儻有言因風幸相寄

送薛昌朝赴太原幕府

去國重為客送君還復歸天寒雨細光景促且就東城
寺中宿寺當蒲坂望屋廬日暮無由辨喬木既已唯諾
難自由雖欲一日安可留吾輩事勢不大殊此際興味
復何如歸來愁坐獨嗟吁畢竟豈如村野老或爾富民
城郭居雨暘寒暄都不與親戚滿眼身不孤乃知平生
欽定四庫全書
欽定四庫全書
九
走薄官正似疲牛引重車陰夷緣絡不知止祇得終年
困道塗

贈奉議沈遠詩

鳬脰天生短鵝脰本來長一朝有客欲斷續二物無地
逃悲傷吾徒曾匪鳬鵝匹又取聖賢為學術解將軒冕
等浮雲寧免儻來并執一夫君擢秀居東南代以文詞
起簪紱錦錦官業素有聞更號能書居第一平生意氣
少防閑一跌落在江湖間幾年轉徙無家室唯與樵漁

為往還醉吟未免寫膏臆健筆依舊飛雲煙遠俗僻陋
多不識都城一帖沽萬錢今朝我過齊山下邀我陟降
遊二山羨君卜築思意盡今古氣象羅目前佛留九頂
千林石天賜清溪一水灣自拾薪枝給朝夕不與城郭
通交闊親友一切皆謝絕惟許子馳來問安人生涉世
多憂喜不用昭昭明物理少小辛苦卜一厘如今老大
無居止遷流方從五嶺去取望生還復經此萬一君恩
縱北歸與君左右為鄰里

欽定四庫全書

還李敷士雄卷

十

還李敷士雄卷

河汾之會韓晉之津在昔王馬今何人青衫未芴排風
塵面如桃花髭如銀長篇大字妙入神閭輔後輩誰等
倫四方仕宦足遺迹歸老閭鄉玉澗濱雲為友兮山為
鄰森森綠槩萬霜筠汨汨清漣飛雨輪亭上何所見荆
山早暮來相親齋中何所有新舊歌詩千百首細大搜
羅萬象勞放開日月東西走世上兒女徒紛紛作者須
教歸老手君不見古往今來富貴人燦燦金章懸紫綬

金珠初入寵方深骨肉未消名已朽又不見李杜死來
三百年至今仰望如星斗一聯一句挂齒牙便同金石
垂長久乃知皇天造萬物獨於吾輩偏加厚還翁詩卷
翁細思豈是生平都不偶

禪僧福公寄惠牧牛圖答以問牛歌

訶訶訶棲巖老法師寄我牧牛頌我人間百歲人今
朝却作嬰兒弄堪笑其間有一牛滿身變白尾猶黑想
君不是上上根教人費盡開心力我昔有一牛其毛元

欽定四庫全書

畫
卷一

十一

自白如今牛已無欲求不可得蓂莢與鞭繩同時皆棄

擲身心無住著冷坐溪邊石却問山中人閑尋牧牛客

書節孝先生事實於先生詩編之後

古人往矣名空存爾來冠帶誰其倫語言淵濤行盜跖
俯仰不愧何續續先生道義完且潔去彼取此非今人
事親豈但緣衣戲刻木省定長悲辛拋官卻掃醉經史
宵中無復留纖塵履穿袍故突不墨辭幣與粟甘清貧
自從秀髮到白首造次於是非一晨當知有吳憫洗散

先生故出拔斯民嗟余稟賦雖不敏管窺偶幸知所因
講聞先生亦已久云為輒以書諸紳媿來廣陵兩閱歲
所得比舊又加親此編雅什盈數百覃思成誦驚余神
恍如聽樂周太廟黃鍾大呂激且純又如典瑞出圭璧
璀璨溢目非玦珉偉哉固足信萬一髣髴想見容彬彬
吾皇圖治急遠逸空谷相望推蒲輪先生高卧馬得逐
細札匪日頌嚴閣重慚鞭鎖脫無計灑掃猶阻致此身
願言師法不少懈異日有立逃湮淪

欽定四庫全書

畫
卷一

十二

跋百之詩畫

詩是無形畫畫是有形詩丹青不知老將至李陵蘇武
真吾師太平本學治禮樂猶有暇日能臨池區中孰最
奇麗眉皓首苟位著安得一區我安之

京兆安汾更赴辟臨洮幕府南舒李君自畫陽

關圖并詩以送行浮休居士為繼其後

古人送行贈以言李君送人兼以畫自寫陽關萬里情
奉送西安從辟者澄心古紙白如銀筆墨輕清意滿酒

短亭離筵列歌舞亭亭誼誼簇車馬溪邊一叟靜垂綸
橋畔俄逢兩負薪掣臂蒼鷹隨獵犬聳耳驅驢扶隻輪
長安陌上多豪俠正值春風二三月分明朝雨挹輕塵
客舍青青柳色新主人舉杯苦勸客道是西征無故人
殷勤一曲歌者闌歌者背淚霑羅巾酒闌重僕各辭親
結束輜騰意氣振鞭子牽衣老人哭道上行客皆酸辛
唯有溪邊釣魚叟寂寂投竿如不聞李君此畫何容易
畫出漁樵有深意為道世間離別人若箇不因名與利

欽定四庫全書

畫境集

十一

紅蓮幕府盡奇才家近南山紫翠堆烜赫朱門當巷陌
潺潺流水遶亭臺當軒怪石人稀見夾道長松手自栽
靜鎖園林鶯對語密穿堂戶燕驚迴試問主翁在何所
近向安西幕府開歌舞教成頭已白功名未立老相催
西山東國不我與造父王良安在哉已卜買田箕嶺下
更看築室潁河隈憑君傳語王摩詰畫箇陶潛歸去來

打麥

打麥打麥彭彭魄魄聲在山南應山北四月太陽出東

北纔離海嶠麥尚青轉到天心麥已熟鵲旦催人夜不
眠竹雞叫雨雲如墨大婦腰鑲出小婦具筐逐上隴先
杼青下隴已成東田家以苦乃為樂取彈頭枯面焦黑
貴人薦廟已嘗新酒醴雍容會所親曲終厭飲勞童僕
宣信田家未入層盡將精好輸公賦次把升斗求市人
麥秋正急又秧禾豐歲自少凶歲多田家辛苦可奈何
將此打麥詞無作掃禾歌

欽定四庫全書

畫境集

古

欽定四庫全書

畫漫集卷二

宋 張舜民 撰

詩

梅子

月破冥冥雨枝搖閃閃黃口中先水出衣上帶花香肺
疾須拚醉牙疎不耐嘗調羹無復用山谷日傾筐

巖花

託根何太遠得地亦相宜土石生為偶紅香想自知風

欽定四庫全書

畫漫集
卷二

英將片片雨實漸離離戍客思攀折無何厓處危

石齋獨懷兄弟

並橋冰乍泮隔岸柳初黃河上春猶淺天涯日漸長平
時好行樂往事入思量最恨三年別應添兩鬢霜

東行別石齋詩

宴坐豈不好有誰強爾行山川不改色兒女若為情岸
隔霜林意齋空夜水聲虛傳少陵叟一室過生平

秋日書懷

涼風起天未何物動人愁一室關河暮三年草木秋高
文誰弔屈晚節漫依劉獨怪懷西叟巴江得久留

秋暮書懷

秋日平涼客樓遲泮水間家貧思得祿性懶要長閒歌
枕時聞雁登城忽見山征西舊時將大半髮毛斑
客舍無前後分明似一舟瓶罍生計小兒女長年憂餬
口身將老謀歸歲暮周布衣今復敝莫問黑貂裘

欽定四庫全書

畫漫集
卷二

憶昔曾遊處俄經二十年重來人不識獨想事依然北

海知劉備荊州小仲宣如何騎駿馬微倖學開邊

濯濯荒山麓娟娟孤女祠晚泉開寶鏡秋月畫蛾眉拾
翠來涇汭行雲過北池猶勝青冢魂埋恨九原悲

旅鬢莖莖白霜梨葉葉紅可憐非類者同落有涯中萬
物齊為馬勞生獨轉蓬此行江海外便作狎鷗翁

再到崆峒寺題名尚宛然存亡如昨日筋力想當年禍
福歸元鶴晨昏聽杜鵑此間無虎豹好著養生編

節物推移速登臨感慨多寒雲飛隴首殘葉下朝那代

北慚歸馬洮西尚凱歌
惟憐鏖戰骨寂寞掩山河
治谷鴉仍亂空同日欲
曠關河圍絕壁鼓角壯中軍
自納和我策還停草檄文
征西好規矩後世見忠勤
愛靜無由靜思歸不得歸
干時虛碌碌懷往迴依依
菊酒還吹帽元霜未授衣
知他蘧伯玉曾悟少年非

登大岵

東都韓延壽黎陽李魏公
一時推豈弟累代想英雄
草木芳菲外山河感慨中
但逢川上客不見狎鷗翁

欽定四庫全書

書經集

三

離山陽

日日東南去空勞
北望魂孤帆轉城角
返照入船門強飯
甘魚菜隨方學語言
蛙聲不忍聽為似故山村

八月十四日清谿堂望月

谿路三湘遠天風八月清
雲間雖掩映水底已分明
且對當年影休吟萬古情
喜君方向滿照我過江城

郴州送許叔獻員外赴道州

許在江淮南講學甚久

嶺下為遷客人中得老成
傳經漢丞相授講魯諸生
五

斗青衫已三湘白髮莫話言
猶未盡要作道州行

順陽

已免均房險寬平喜博山
園林皆掩映風俗自安閑
麻麥三春暮人烟百里環
吾行半天下難得此江關
隱隱來山遠茫茫去路平
舟車楚北戶城塚漢南京
小杏沾花摘春醪對雨傾
士民留我住強作少陵行

聳州首陽鋪鳥鼠同穴

本是巢居物那容鼠穴中
既言無牝牡何用有雌雄
山

欽定四庫全書

書經集

四

節曾居蔡長江網得鴻
誰能窮物理目送渭波東

送鮑經句赴辟洮東幕府

平昔通家子今為幕府賓
官遊知幾日器業已成人
隴右從戎客燕南老病身
軍中想多暇莫惜寄書頻

體之推官侍親出使聊書短篇以浼行色

遊梁并困洛誰是故人情
未盡環中說俄成劍外行
路遙詩篋重雪映絳衣明
預想東歸日相逢指渭城

過同州遇雪贈毋清臣

左輔沙如水長春柳未勻精神迎刺史景物為行人累
歷梁山外飄流洛水濱十年門下客依舊困泥塵

花時對雪

急霰飄零降芳爛熳中半開先逐水未落已隨風兵
渡金陵破塵來繡嶺空誰能勞樽酒暫使客顏紅

西宮致齋貽裴著作

西出都門外塵埃撲馬鞍人家事寒食星雨仰祠官日
永駕千轉庭間竹數竿唯憐隔齋禁不得共清懽

欽定四庫全書

南衙寺會宿王鮑二同年

徧走長城塞歸由舜阪頭榜中千里駿天外二星流花
月仍寒雨聞河逼寺樓寧知十年後此地並余稠
組以時果供饋予以酒為報

鉅歲無時果秦人饜草茶開奩驚見李對客喜浮瓜為
乏瓊瑤報聊稱旨酒嘉中郎不憂老有女可傳家

袁號縣令猶子算

匍匐岐山下三呼已過時臧孫雖有後伯道竟無兒自

是終身痛空留一縣悲老人休而淚轉面即逢伊
送別言猶在來書墨尚溫安知咫尺地便有死生分已
負秋山約猶傳魯史文魂今今有託將附伯兄墳

蘇子瞻哀辭

石與人俱敗人亡石尚存却憐堅重質不減浪花痕滿
酌中山酒重添丈八盆公兮不歸北萬里一招魂

佚老堂為陶敏宣德題

未老剛稱老言休即便休潯陽真有後彭澤善貽謀隱
欽定四庫全書
几悲殘漏回頭見急流便須移醉石偃卧北牕幽

杜鵑

飛伏終難見空搏似老鳥一身隨變化故國任丘墟簇
簇花如血聲聲怨不枯春山情更好何必夜相呼

食楊梅荔枝思去年

楊梅味已酸荔枝色能丹大齊驪龍脫江綃玉露團謫
居深不負沈醉亦何難今歲無人剝吁嗟任滿盤

山果

賁酒堆山果新茶下粉團似梅嬾足核如蜜少加酸公
子傾金彈行人漏蠟凡吾鄉元不識歸日畫圖看

宣赦

擊鼓填街道傳聲過水濱國嚴三歲祀恩洗萬方春舟
楫隨南斗衣冠拱北辰嶺南并嶺北多少望歸人

秋日燕山道中

燕山秋更好況復值新晴一徑幽花開千巖晚瀑明寺
危迂路入水漫信船行嘗栗皺初破開梨類未頽松蘿

欽定四庫全書

書
卷二

七

杖斗上劍戟插沙平泰趙封疆密岷峨氣象清五龍丹
桂盡萬馬蹄林橫韞玉人時得埋錢事可驚畫圖傳輶
水醉倒懸增城為報南歸客應須自作程

和趙大監雪一首

臘雪稱為瑞初春又不同月藏燈市底雲泛綵山中灑
面猶堪數連宵勢莫窮催花紫小檻引絮舞低空三逕
從誰掃千門倏自通柳裊消酒力料峭却東風闌盡平
戎幕孤撐訪戴逵宣期麟趾客並舍虎門東郢國歌難

和梁園賦易工何人知帝力鼓腹頌清衷

欽定四庫全書

書
卷二

八